

Na osnovu člana 108. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10), člana 25. stav 1. Pravilnika o načinu rada i funkcioniranja štabova i povjerenika civilne zaštite („Službene novine Federacije BiH“, br. 77/06 i 05/07) i Odluke Vlade Federacije Bosne i Hercegovine o proglašenju stanja prirodne nesreće na području Federacije BiH zbog velikih snježnih padavina i niskih temperatura od 04.02.2012. godine, Federalni štab civilne zaštite na sjednici održanoj 16.02.2012. godine, donosi

N A R E D B U

1. Zadužuju se „Agencija za vodno područje rijeke Save“ Sarajevo i „Agencija za vodno područje Jadranskog mora“ Mostar da na poplavnim područjima uz površinske vode prve kategorije osiguraju provođenje mjera utvrđenih Federalnim operativnim planom odbrane od poplava („Službene novine Federacije BiH“, broj: 7/11, u daljem tekstu: FOP) i da nadležne općinske službe, uključujući i službe civilne zaštite u svim općinama, kao i nadležne kantonalne organe, upoznaju sa poplavnim područjima, naseljima ili dijelovima naselja koja mogu biti poplavljena prema mapama plavljenja datim u tehničkim prilogima FOP-a i da o tim aktivnostima sačine izvještaj i dostave Federalnom štabu civilne zaštite u roku od 10 dana.

2. Zadužuju se Federalno ministarstvo poljoprivrede, vodoprivrede i šumarstva i Federalna uprava civilne zaštite da ostvare punu saradnju sa nadležnim organima Republike Srpske u primjeni Zakona o vodama i Zakona o zaštiti i spašavanju ljudi i materijalnih dobara od prirodnih i drugih nesreća i da usko saraduju, te postupaju po zahtjevima nadležnih državnih ministarstva u ovoj oblasti (Ministarstvo vanjske trgovine i ekonomskih odnosa BiH i Ministarstvo sigurnosti BiH).

3. Od kantonalnih štabova civilne zaštite traži se da putem nadležnih kantonalnih ministarstava i institucija pristupe provođenju operativnih mjera odbrane od poplava za područja uz površinske vode druge kategorije na području kantona, utvrđenih Uredbom o vrstama i sadržaju planova zaštite od štetnog djelovanja voda („Službene novine Federacije BiH“, broj: 26/09), uključujući i praćenje stanja zaleđenosti riječnih tokova i uklanjanje santi leda na kritičnim mjestima vodotoka, te usklađivanje aktivnosti provođenja tih mjera sa provođenjem FOP.

4. Zadužuju se kantonalni organi i institucije zadužene za provođenje operativnih mjera odbrane od poplava uz površinske vode II kategorije (kantonalnog operativnog plana odbrane od poplava) da sa područjima koja su potencijalno ugrožena poplavama (prema mapama plavljenja iz tehničkih priloga kantonalnog operativnog plana odbrane od poplava) upoznaju nadležne općinske službe, uključujući i službu civilne zaštite i da o tome sačine izvještaj i dostave Federalnom štabu civilne zaštite u roku od 10 dana.

5. Za provođenje operativnih mjera zaštite i spašavanja na vodi i pod vodom na područjima općina (uz površinske vode II kategorije i uređena korita vodotoka na površinskim vodama I kategorije u urbanim područjima) zadužuju se kantonalni i općinski štabovi civilne zaštite, uz obavezu da provođenje preventivnih mjera odbrane od poplava vrše nadležne općinske javne službe i preduzeća.

6. Potrebna sredstva za provođenje preventivnih mjera odbrane od poplava općinama osigurati iz sredstava koja se prikupljaju po Zakonu o vodama („Službene novine Federacije BiH“, broj: 70/06), a koja su prihodi kantona.

7. Zadužuje se Federalna uprava za inspekcijske poslove da u saradnji sa kantonalnom inspekcijom izvrši nadzor pripremljenosti zaduženih subjekata za provođenje FOP-a i kantonalnih operativnih planova odbrane od poplava, kao i pravnih lica koja su vlasnici odnosno korisnici hidroakumulacija i da dostave izvještaj Federalnom štabu civilne zaštite u roku od 10 dana.

8. Zadužuju se pravna lica koja su vlasnici odnosno korisnici hidroakumulacija Ministarstvo energetike i industrije, da striktno poštuju uvjete rada propisane vodnom dozvolom da postupaju po izdatim nalogima Glavnog rukovodioca odbrane od poplava iz FOP-a.

KOMANDANT
Jerko Ivanković-Litahović



Dostaviti:

- *Kantonalnim štabovima CZ - svima,*
- *Vladama kantona - svima,*
- *„Agencija za vodno područje Sava“ Sarajevo,*
- *„Agencija za vodno područje Jadransko more“ Mostar,*
- *Federalna uprava za inspekcijske poslove,*
- *Federalna uprava civilne zaštite,*
- *Federalno ministarstvo poljoprivrede, vodoprivrede i šumarstvo,*
- *Ministarstvo energetike i industrije,*
- *Ministarstvo vanjske trgovine i ekonomskih odnosa BiH,*
- *Ministarstvo sigurnosti BiH,*
- *a/a*